

REFERAT IIIA - Isumaginninnermut Inunnullu Innarluutilinnut Ataatsimiititaq d. 10-09-2024

Mødedato Tirsdag d. 10. september 2024 kl. 17:00

Mødested Kommunalbestyrelsip ataatsimiittarfiani

Indholdsfortegnelse

| | |
|--|----|
| Saqqaa..... | 3 |
| Oqaluuserisassat akuerineqarneri..... | 4 |
| Nalunaarutit..... | 5 |
| Ukiup affakkuutaartumik oqartussaaffeqarfimmut tunngasuni killiffik, januaari - juuni 2024..... | 6 |
| Suliffeqarnermut Isumaginninnermullu Ataatsimiitami suliat oqaluuserineqartussat pillugit ilisima | 8 |
| Utoqqarnut tapersersuinissaq pillugu Inatsisartut inatsisissaattut siunnersuutip tusarniaassutigineqar | 11 |
| Inuit innarluutillit tapersersorneqarnissaat pillugu Inatsisartut inatsisissaattut siunnersuutip ilassutit | 15 |
| IT-systemip kinguaattoornera pillugu paasissutissiineq, tassani pineqarluni pisortat ikiorsiissutaanni | 19 |
| Taasariaqartut allat..... | 24 |
| Imaqarniliap akuerineqarnera..... | 25 |

Punkt .: Saqqaa

Ilaasortat:

Inge Olsvig Brandt (IA), siulittaasoq
Lone Rosengreen Pedersen (IA), siulittaasup tullia
Poul Petersen (D)
Mala Høy-Kúko (S)
Dorthe-Marie Mogensen-Fontain (S)

Beslutning

Peqataasut:

Inge Olsvig Brandt (IA), formand
Lone Rosengreen Pedersen (IA), næstformand
Poul Petersen (D)

Oqarasuaatikkut peqataasut:

Mala Høy-Kúko (S)
Dorthe-Marie Mogensen-Fontain (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Ingerlatsivimmit ataatsimiititamut ilisimatitsissutigineqarpoq, suliaq pisortat ikiorsiissutaannik appartitsinermut tunngasoq Nunatta Eqqartuussiveqarfiani eqqartuussinermi aalajangiiffigineqartoq aamma eqqartuussinerup kingunerisai qulaajarneqaleruttortut.

Punkt 1: Ukiup affakkuutaartumik oqartussaaffeqarfimmut tunngasuni killiffik, januaari - juuni 2024

Beslutning

Ilisimatitsissut tusaatissatut tiguneqarpoq.

Bilag

Ukiup affakkaartumik suliffeqarnermut tunngasuni killiffik, januaari – juuni 2024



Ukiup affakkuutaartumik oqartussaaffeqarfimmut tunngasuni killiffik, januaari - juuni 2024

Ilisimatitsissut

SagsID.: EMN-2024-02120

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit Oqartussaaffeqarfimmut tunngasut pillugit ukiup affakkuutaartumik ilisimatitsissutigineqartarpoq, oqartussaaffeqarfimmut tunngasunik kisitsisitigut paasissutissat pingaernerit aamma fagchefimit isiginninnerit pineqarlutik. Taanna ukiup affakkuutaartumik killiffik piffissami 2024-mi januaarimit juunimut atuuppoq. Killiffik ilanngussani nassaarineqarsinnaavoq.

Oqartussaaffeqarfimmi sulisumik ataatsimiitiami ataatsimiinnermi najuuttoqassaaq, taamaalilluni ataatsimiititamit itinerisunik apeqquteqarnissamut periarfissaqartoqarniassamat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq
- Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq
- Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq
- Suliffissarsiortunut ikiorsiissutit pillugit Inatsisartut Inatsisaat nr. 7, 20. juni 2022-mersooq
- Pisortanit ikiorsiissutit pillugit Inatsisartut inatsisaat nr. 6, 20. juni 2022-meersoq
- Kommuneqarfik Sermersuumi Isumaginnittoqarfik aqutigalugu inissamik innersuussisarneq pillugu ileqqoreqqusaq 2018-imeersoq
- Isumaginnittoqarfiup aqunneqarnera aqqissuussaaneralu pillugit Inatsisartut peqqussutaat nr. 11, 2. november 2001-imeersoq tassunga ilanngullugit isumaginnittoqarfiup aqunneqarnerat aqqissuussaaneralu pillugit kingorna allannguutit

Ilanngussat

1. Ukiup affakkuutaartumik suliffeqarnermut tunngasuni killiffik, januaari – juuni 2024

Punkt 2: Suliffeqarnermut Isumaginninnermullu Ataatsimiititami suliat oqaluuserineqartussat pillugit ilisimatitsissut

Beslutning

Ilisimatitsissut tusaatissatut tiguneqarpoq.

Suliffeqarnermut Isumaginninnermullu Ataatsimiititami suliat oqaluuserineqartussat pillugit ilisimatitsissut

Ilisimatitsissut

SagsID.: EMN-2024-02034

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititami inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit matumuuna suliassat ataatsimiititami oqaluuserineqartussatut ingerlatsivimmit ilisimaneqartut pillugit ataatsimiititami ilisimatitsissutigineqarput.

Ataatsimiititami oqaluuserineqarnissaannut piffissaliussaq suli aalajangiunneqanngilaq, soorlutaaq immikkoortut allanguuteqarsinnaasut.

Ingerlatsivimmit kissaatigineqarpoq, massakkumiit ataatsimiititaq suliassamik oqaluuserineqartussamik ilisimatinneqartassasoq, ataatsimiititami ilaasortat piareersarluarsinnaaniassammata ataatsimiititap ataatsimiinnissaanut oqaluuserisassat aalajangiunneqannginneranni.

Piffissami matumani ingerlatsivimmit suliassat uku ukiup affaani tulliuuttumi ataatsimiititami oqaluuserineqartussatut naatsorsuutigineqartut ilisimaneqarput:

- Suliffeqarnermut immikkoortumut pilersaarutip tusarniaassutigineqarnissaanik akuersissuteqarneq
- 2025-mi suliassat pitsaassusissaat
- Angerlartitsinerit pillugit peqqinnissaqarfimmik nutaamik isumaqatigiissuteqarneq pillugu ilisimatitsissut
- Assigiinngitsunik suliallit ataatsimiititaata (TFU) suliarsimasaanik ukiumoortumik ilisimatitsissut
- Angerlarsimaffeqanngitsuuneq pillugu immikkoortumut pilersaarutip killiffia
- Innarluutillit pillugit immikkoortumi pilersaarutip killiffia

Ataatsimiititami oqaluuserineqartussat aalajangersimasut, ukiumut arlaleriarlugit oqaluuserineqartut takussutissaliami ilaatinneqanngillat.

Taakku saniatigut Suliffeqarnermut Isumaginninnermullu Ataatsimiititap Utoqqaat pillugit Siunnersuisooqatigiinnik aamma Inuit innarluutillit pillugit siunnersuisooqatigiinnik 2024-p ukiaanerani ataatsimeeqateqarnissaa pilersaarutigineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat
Soqanngilaq.

Punkt 3: Utoqqarnut tapersersuinissaq pillugu Inatsisartut inatsisissaattut siunnersuutip tusarniaassutigineqarnerani akissuteqaat pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Utoqqarnut tapersersuinissaq pillugu Inatsisartut inatsisissaattut siunnersuummut tusarniaanermi akissuteqaat

Utoqqaat pillugit Siunnersuisooqatigiinnit tusarniaanermi akissut



Utoqqarnut tapersersuinissaq pillugu Inatsisartut inatsisissaattut siunnersuutip tusarniaassutigineqarnerani akissuteqaat pillugu ilisimatitsissut

Ilisimatitsissut

SagsID.: EMN-2024-02954

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Utoqqarnut tapersersuinissaq pillugu Inatsisartut inatsisissaattut siunnersuutip tusarniaassutigineqarnerani Kommuneqarfik Sermersuumiit 19. agusti 2024-mi tusarniaanermut akissuteqartoqarpoq. Suliffeqarnermut Isumaginninnermullu Ingerlatsivik tusarniaassummut akissuteqaasiorpoq Utoqqaallu pillugit siunnersuisooqatigiit siulittaasuat tusarniaanermut akissuteqartillugu. Inuit innarluutillit pillugit Siunnersuisooqatigiit tusarniaanermi paasissutissanik nassinneqarput, tusarniaanermulli akissuteqaasiornissamut periarfissaqarsimanatik.

Inatsisissatut siunnersuummi siunertarineqartoq ingerlatsivimmit tunngaviatigut paatsuunganartinneqarpoq. Tamatuma peqatigisaanik inunnet innarluutilinnut inatsisissatut siunnersuut nutaaq tusarniaassutigineqarpoq, tassanilu innuttaasut utoqqaat peqataatinneqarput assingusumillu tapersersorneqarnissamut periarfissaqassallutik. Ingerlatsivimmiit naliliineq naapertorlugu immikkoortut utoqqaat suliassaqarfimmuut tunngasut, soorlu utoqqaat politikki aamma utoqqaat pillugit siunnersuisooqatigiit inuit innarluutillit tapersersorneqarnissaannut inatsimmi aalajangersakkatut ataasiakkaatut ilanngunneqarsinnaapput, inatsit immikkut assingusumullu pinnani.

Tusarniaanerup ingerlanneqarnera ingerlatsivimmiit tusarniaassummut akissuteqarnermi isornartorsiorneqarpoq, ilaatigut siunnersuut aasaanerani sapaatip akunnerinilu sisamaannarnut killilerlugu tusarniaassutigineqarmat. Saniatigut inatsisissatut siunnersuutip aningaasatigut allaffissornikkullu kingunerisassai pillugit allaaserinnineq amigaateqarpoq. Aningaasatigut kingunerisassai ilaatinneqanngikkaangata inatsisissatut imaluunniit nalunaarutissatut siunnersuutit kommuninit isummerfigineqarnissaat naapertuutinngilaq. Suliassat aningaasaqarnerullu ataqatigiinnerisa isummerfiginissaannut aningaasatigut kingunerisassai aalajangiisuulluinnartarput.

Ataani kommunip tusarniaanermut akissutai allannguutillu pingaarnerit, taakkua kommunimit suliassanik naammassinninnissamut pingaaruteqarumaartut pillugit, naatsumik nassuiaatigineqarput.

Sullissineq

Inatsisissatut siunnersuummi kiffartuussissutit nutaat kiisalu sullissinermi piumasaqaatit saqqummiunneqarput, soorlu sullissineq piffissaliunneqartarnissaanut aalajangersaasoqartoq. Sullissinerup piffissaliunneqartarnissaa kommunalbestyrelse aalajangersaassasoq ingerlatsivimmiit siunnersuutigineqarpoq. Siunnersuutip kingunerisaanik aalajangersakkat assingusut arlallit takussaalissapput, ilaatigut inuit innarluutillit tapersersorneqarnissaannut inatsit aamma utoqqaat



tapersersuinissaq pillugu inatsit malillugit sullissisoqartassalluni. Suliniutit taakkua aningaasatigut kingunerisassai naatsorsorneqarsimangillat.

Utoqqarnut inissiat aamma utoqqaat najugaqatigiiffii

Inatsisissatut siunnersuummi utoqqaat ullukkuq namminneq angerlarsimaffiminni nammineersinnaasut pillugit utoqqarnut inissiat aamma utoqqaat najugaqatigiiffii saqqummiunneqarput. Sullinniakkat ullumikkut inissianut utoqqarnut innarluutilinnut naleqqussagaasunut innersuunneqartartunut sanilliullugit amerlanerupput ingerlalluarnertullu. Inissiat amerlanerujussuit pisariaqartinneqassasut, matumani inissiat ataatsimut sammisassaqartitsiffillit (utoqqaat najugaqatigiiffii), ingerlatsivimmiit naatsorsuutigineqarpoq. Siunnersuut aqutugalugu inissiat sanaartornissaannut imaluunniit ingerlanneqarnissaannut aningaasanik immikkoortitsisoqanngilaq, aamma sullissinerunissaq aningaasaliiffineqanngilaq. Inissiat namminersortunit pigineqarsinnaasut utoqqarnullu inissiatut imaluunniit utoqqaat najugaqatigiiffiisut attartortinneqarsinnaasut siunnersuummi periarfissaatinneqarpoq. Utoqqaat soraarnerussutisallit niuernikkut aalajangikkamik inimut akiliuteqarsinnaanerit siunnersuummi sammineqarluarsimangilaq. Siunnersuuttip kommunit arlallit utoqqaat najugaqatigiiffii atuutilersinneqarsimasut ilanngunneqarnikuunngillat. Kommunip Qeqertarsuatsiaani aamma Ittoqqortoormiini utoqqaat najugaqatigiiffii siunnersuummi ilanngunneqarnikuunngillat. Kommunip kissaatigisimavaa, utoqqaat najugaqatigiiffii periarfissaasutut inissisimatinneqarnissaat inatsisitigut utoqqarnut najugaqatigiiffittut neqeroorutaasinnaasutut ilanngunneqarnissaa, aammalu "Utoqqaat ataatsimoorlutik ineqatigiiffiat"-tut taaguuteqartinneqarnissaat innersuussutigisimallugu.

Puiguttortunut immikkoortortat

Inatsisissatut siunnersuut naapertorlugu utoqqarnik paaqqutarinniffinni puiguttortunut immikkoortortanik immikkut kommunit pilersitsissasut piumasarineqarpoq. Tamanna akuerineqaraluartoq sanaartornissamut ingerlatsinissamullu immikkut malittuanik aningaasartuutitaqassasoq tusarniaanerullu nalaani tamakkua aningaasatigut missingiussisoqanngilaq. Aaqjissuussaanerup sanaartornikkut suliassap suliarinissaanut Naalakkersuisut kommuninut piumasarineqartoq ingerlatsivimmiit ajornartorsiutit isigineqarpoq. Sumiiffinni mikinerusuni puiguttortunut immikkoortortanik pilersitsinissaq naleqqutinngitsoq Nuummili puiguttortunut paaqqutarinniffimmik pilersitsinissaq naleqquttuusoq ingerlatsivimmiit nalilerneqarpoq.

Inatsisissatut siunnersuut 2025-mi juulip ulluisa aallaqqaataanni atuutilissasoq naatsorsuutigineqarpoq. Piffissaliussa qiviusorsioruunngitsoq ingerlatsivimmiit nalilerneqarpoq, aamma kommuninut aningaasarpassuarnik malitseqartinnissaa pisariaqartinneqartoq ingerlatsivimmiit nalilerneqarpoq.

Ingerlatsivimmit aningaasatigut sulisoqarnikkullu naliliinerit

Inatsisissatut siunnersuuttip kingunerisassai naatsorsorneqarsimangitsut kiisalu missingiutitut ilanngunneqartut appasippallaartut ingerlatsivimmiit tusarniaanermut akissuteqarnermi uparuarneqarput.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Namminersorlutik Oqartussat tusarniaanernut maleruagassaat 28. aprili 2023-meersut
- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-meersaq
- Utoqqarnut tapersersuinissaq pillugu Inatsisartut inatsisissaatut siunnersuut xx.xx.xxxx-meersaq



Ilanngussat

1. Utoqqarnut tapersersuinissaq pillugu Inatsisartut inatsisissaattut siunnersuummut tusarniaanermi akissuteqaat
2. Utoqqaat pillugit Siunnersuisooqatigiinnit tusarniaanermi akissut

Punkt 4: Inuit innarluutillit tapersorneqarnissaat pillugu Inatsisartut inatsisissaattut siunnersuutip ilassutitut tusarniaassutigineqarnerani akissuteqaat pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Inuit innarluutillit tapersorneqarnissaannut Inatsisartut inatsisaannut ilassutitut tusarniaanermi akissuteqaat

Inatsisissatut siunnersuutip aningaasaqarnermut kingunerisassaanut takussutissaq



Inuit innarluutillit tapersorneqarnissaat pillugu Inatsisartut inatsisissaattut siunnersuutip ilassutitut tusarniaassutigineqarnerani akissuteqaat pillugu ilisimatitsissut

Ilisimatitsissut

SagsID.: EMN-2024-01964

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Innersuussut

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliasamik saqqummiussineq

Kommuneqarfik Sermersooq ulloq 28. maaji 2024 Inuit innarluutillit tapersorneqarnissaat pillugu Inatsisartut inatsisaata allannguuteqartinnissaa pillugu siunnersuutip tusarniaassutigineqarnerani akissuteqaateqarpoq. Inatsisissatut siunnersuut tamatuma kingorna tusarniaanermut akissutit tiguneqartut amerlassusaat pissutigalugit juulip ulluisa 30-anni ilassutitut tusarniaatitsisoqarpoq.

Ilassutitut tusarniaassummut kommune septembarip ulluisa sisamaanni tusarniaassummut akissuteqarpoq. Suliffeqarnermut Isumaginninnermullu Ingerlatsivik tusarniaanermut akissuteqaasiorpoq, aammalu Meeqqanut Ilaqutariinnullu Ingerlatsivimmit, Meeqqanut Atuarfeqarnermullu Ingerlatsivimmit aammalu Sanarfinermut Avatangiisinullu ingerlatsivimmit oqaaseqaatit katersorlugit.

Siullertut ilassutitullu tusarniaanerniit tusarniaanermi paasissutissat kommunillu tusarniaanermi akissutaa Naalakkersuisut tusarniaanermi nittartagaani takuneqarsinnaapput.

Inatsisissatut siunnersuut inuit innarluutillit pillugit suliasaqarfimmi inatsisinik toqqammavinnik iluarsartuussineruvoq annertoqqaammalu kommunip akisussaaffiisa suliasaasalu annertunerulernerinik nassataqarluni. Allaffeqarfimmit naliliisoqarpoq, siunnersuummi aningaasatigut allaffissornikkullu kingunerisassaannut missiliutaasut ersarinngitsut amigartullu. Missiliutaasut Inatsisissatut siunnersuutip atuutilersinneqarnissaa ingerlatsinerullu ingerlaqqinnissaanut kommunimut annertuumik kinguneqaataasussanut naapertuutinnigillat.

Inatsisissatut siunnersuut 1. juuli 2025-mi atuutilissasoq naatsorsuutigineqarpoq. Taamaattumik 2024-mi ataatsimoortumik tapiissutit isumaqatigiinniutigineqarnissaanut atatillugu aningaasanik amerlanerusunik kommuninut ilasisoqarnissaa pisariaqartinneqarpoq. Akuersissutigineqarnerata atuutilersinneqarnissaatalu akornanni piffissaq sivikippoq (ukiumik ataatsimik sivikinnerulluni), taamaattumik ataatsimoortumik tapiissutit isumaqatigiinniutissat kommunimilu missingersuutissat eqqortumik inissinniarneqarneri ajornakusuussallutik. Taamaattumik aningaasatigut kingunerisassai eqqarsaatigalugit inatsisip suliareqqaarnissaa pingaaruteqarluinnartuuvoq.

Kommunip tusarniaanermut akissutai ilanngussatut ilanngunneqarput, kommunimi Inuit innarluutillit pillugit siunnersuisooqatigiinnit aamma utoqqaat pillugit siunnersuisooqatigiinnit tusarniaanermut akissutaat maajimeersut ilanngullugit. Tulliuttuni kommunip tusarniaanermut akissutai allannguutillu pingaarnerit, taakkua kommunimit suliasanik naammassinninnissamut pingaaruteqarumaartut pillugit, naatsumik nassuiaatigineqarput.



Neqeroorutaagallartumik pilersitsineq ingerlatsinerlu

Inatsisissatut siunnersuummi kommunimit innuttaasunut innersuunneqartunut, aamma Isumaginninnermut Aqutsisoqarfiup ulloq unnuarlu neqeroorutaasa ilaannut utaqqisuusunut neqeroorutaagallartumik ingerlatsineq ilanngunneqarpoq. Allassimangilaq aaqqiigallarnerit qanoq sivisutigisumik atuutissanersut. Tamanna kommunimit ernumassutigineqarpoq, ulloq unnuarlu inissatigut neqeroorutunik pisariaqartinneqartunik pilersitsinngitsoortoqarsinnaammat. Taamaattumik Kommuni siunnersuutigaa, utaqqisut allattorsimaffianniittut eqqarsaatigalugit ulloq unnuarlu neqeroorutini inissanik pilersitsisoqarnissaanut piffissalliisoqassasoq.

Neqeroorutaagallartut inatsisissatut siunnersuummi aningaasartuutaanerusussatut missingersuutini ilanngunneqanngillat. Sullinniakkanut ilaasut innuttaasut ulloq unnuarlu neqeroorummut innersuunneqartut, ajornakusoortunik unammilligassaqartarmata aamma ulloq unnuarlu sulisoqartarnissaanut pisariaqartitsillutik, millioninik arlalinnik qaavatigut ukiumut aningaasartuuteqartarnissamik kinguneqassaaq. Ulloq unnuarlu neqeroorutaasut amerlineqanngippata, taakkunungalu innutaasut pisariaqartitsisut amerlippata, kommunip aningaasartuutai aamma amerlanerulissapput. Kommunimit tassunga atasumik tikkuarneqarpoq, utaqqiisaasumik aaqqiissutaasartut aningaasartuuteqarfiunerusartut ulloq unnuarlu neqeroorutunik pisariaqartinneqartunik amerlassusilinnik pilersitsinermi.

Isumaginninnermut Aqutsisoqarfiup neqeroorutaanut akigititanik aalajangiussinermi allannguutit

Ulloq unnuarlu neqeroorutini akigititat aalajangersarneqartarnerat pillugu Kommunit isumaqatigiinninniarnerni inaat inatsisissatut siunnersuummit peerneqarpoq. Akigititap allanngortinneqarnerata nassataanik qanoq annertutigisumik aningaasartuuteqarumaarnersoq nalileruminaappoq. Taamaattorli aningaasartuutit appassisumiitinnissaanut tunngavissat tammariartussapput, kommunit isumaqatigiinninniarnerit peqataasarunnaarpata. Kommune isumaqatigiinninniarneri peqataasarnissaminik kissaateqarpoq.

Ulloq unnuarlu neqeroorummi isumannaallisakkami inissiisoqarsinnaaneranut atatillugu tigummigallagaqarnermut assingusumik inissaq

Inummik innarluutilimmik tigusarinninnerup atuutiinnarnissaa imaluunniit tigummisaanissaa pillugu eqqartuussivimmit aalajangerneqarsimatillugu kommunip tigummigallagaqarnermut assingusumik inissamik pissarsisarnissaa Inatsisissatut siunnersuummi ilanngunneqarpoq. Tassunga atasumik qaqugukkulluunniit isumannaallisaaneq eqqarsaatigalugu kommunimut sulisunut illersorneqarsinnaanngilaq, aamma pissaanermik atuinissamat kommunip piginnaatitaaneranut naapertuutinnngilaq. Taamaattumik kommunip erseqqissaatigaa, suliassaq politiini imaluunniit isumaginninnermut aqutsisoqarfimmi inissimasussaasoq, taakkua ulloq unnuarlu neqeroorutunik matoqqasunik immikkut ilisimasaqarput misilittagaqarlutillu.

Inatsisitigut sullinniarneqartut amerlineqarnissaat

Inatsisissatut siunnersuummi erseqqissaatigineqarpoq, meeqqat inuusuttullu piginnaanikilersimasut aammalu utoqqaat ukioqqortussusaat pissutigalugu piginnaanikilersimasut inatsimmi ilaatinneqartut. Ilaatigut siusissumik suliniuteqarnissaq suliniuteqareernermilu malinnaaviginninneq pillugu paragrafit ilanngunneqarput. Sullinniakkat amerlineqarnerat aningaasartuutunik annertusititsinernik kinguneqassapput.

Inunnut innarluutilinnut tunngasut siammassissuunera aamma innarluuteqarnermik paasinnittaaseq inuiaqatigiinni pilersinneqartunik akimmiffigineqartuusoq inatsisini allassimanera Kommunimit iluarisimaarneqarpoq. Taamaattorli inatsimmut allamut qaleriinnerit erseqqissarnissaat amigaataavoq, soorlu utoqqaat pillugit inatsisissami atuutilersussami, matuma ataani innuttaasoq inatsisini arlallit malillugit ikiorserneqarnissaanut pisinnaatitaagaangat inatsit alla qaqugu atuutilissanersoq pillugu.



IT-mik ataatsimoorussamik aqutsissut nutaaq

Inatsisinik aqutsinissamut ataatsimoortumik pisortat allaffissornikkut ingerlatsinerinut IT-mik aqqissuussamik pilersitsisoqassaaq. Kommune isumaqarpoq, assigiimmik pisortat ataatsimoorussamik IT-mik aqqissuussamik pisortat suliffeqarfiutaanni atuisoqalernissaa pitsaasuusoq. Taamaattoq pingaaruteqarpoq, IT-mik aqqissuussamik nutaamik suliamik ingerlatsineq pitsaanerpaamik ingerlassasoq, taamaalilluni aqqissuussaq suli naammassineqanngitsoq, misilerarneqanngitsoq aamma ilisaritinneqanngitsoq inatsit atuutsinneqaleqqunagu. Kommunimit ernummatigineqarpoq, pisortanit ikiorsiissutit aamma suliffissarsionermi ikiorsiissutinut atasumik IT-mik aqqissuussamik atulersitsinermi ingerlatsinertut ingerlatsinissaq unammillernartorsionartigissasoq, inatsisit qangalili atuutilereersoq suli ator neqarsinnaanngippat.

Ingerlatsivimmit aningaasatigut sulisoqarnikkullu naliliinerit

Inatsimmi oqaaseqaatini aningaasartuuteqarnerunermut missingiunneqartut 2025-mi 6,3 mio. koruuniupput, taakkunanngalu 3,8 mio. koruunit kommunip aningaasartuuteqarnerunissaanut immikkoortitaallutik. Tamatuma kingorna ukiumut tulluuttunut kommunip aningaasartuuteqarnerunissaanut 7,8 mio. koruunit immikkoortinneqarput. Inatsimmi nutaami aalajangersakkat arlallit eqqarsaatigineqanngimmata missingiussat amigartutut allaffeqarfiup nalilerpaa(takuuk ilanngussaq). Tamatuma saniatigut kommunit akornanni suna tunngavigalugu agguataarisooqassasoq erseqqarluppoq.

Maannakkorpiaq aningaasartuutit qanoq annertutiginersut tamakkiisumik takuneqarsinnaanngillat. Allaffeqarfiup missingerpaa, kommunip aningaasartuuteqarnerunera oqaaseqaatini missingiunneqartunit marloriaatit missaanniissasut. Aningaasartuutaanerusut ataatsimoortumik tapiissutinut ilanngunneqarnissaat pisariaqartinneqarumaarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- 28. aprili 2023-mi tusarniaanernut maleruagassat
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

1. Inuit innarluutillit tapersorsorneqarnissaannut Inatsisartut inatsisaannut ilassutitut tusarniaanermi akissuteqaat
2. Inatsisissatut siunnersuutip aningaasaqarnermut kingunerisassaanut takussutissaq

Punkt 5: IT-systemip kinguaattoornera pillugu paasissutissiineq, tassani pineqarluni pisortat ikiorsiissutaannik kiisalu suliffissarsiortunut ikiorsiissutininik allaffissornikkut ingerlatsineq

Beslutning

Ilisimatitsissut tusaatissatut tiguneqarpoq.

Bilag

Takussutissaq

Inatsisit nutaat atuutilersinneqarneranut tunngatillugu ernumassutinik allagaqaat

Nuna tamakkerlugu borgmesterit Naalakkersuisoq Jess Svane-mut ernumassutit pillugit allagaat, 26.01.24

IT-systemip kinguaattoornera pillugu paasissutissiineq, tassani pineqarluni pisortat ikiorsiissutaannik kiisalu suliffissarsiortunut ikiorsiissutinik allaffissornikkut ingerlatsineq

Ilisimatitsissut

SagsID.: EMN-2024-03193

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffissarsiortunut ikiorsiissutinik aamma Pisortat ikiorsiissutaannik sullissinermi atungassatut IT-systemip ineriartortinneqarnera atuutilersinneqarneralu, tassani pineqarluni inatsisinik malittarisassanillu suliaqarnermi (soorlu suliannik sularinnineq, allattuineq aamma aningaasalersuineq), assut unammillernartuusimavoq. Taamaattumik Isumaginninnermut Suliffeqarnermullu Ingerlatsivik Isumaginninnermut Suliffeqarnermullu Ataatsimiititaliamut qanoq ingerlatsisoqarsimaneramik paasissutissiivoq, kiisalu tulliuuttumi suliniutit atuutilersitsinermut kingornalu malittarisassanik naleqqussaanermut suliniutigineqartussat pillugit.

Inatsisit nutaat IT-systemillu

Inatsisartut 2022-mi upernaakkut ataatsimiinneranni aalajangerneqarpoq, pisortat ikiorsiissutaannik suliffissarsiortunullu ikiorsiissutinik tunniussisarnermi inatsisit nutaat 1. januaar 2023 atuutilersinneqassasut. Inatsisit suliffeqarnermut tunngasunik inerisaanerup annertusineqarneranik imaqarput, aamma inatsisit nutaamik ineriartortinneqartumik, ataatsimut pisortat IT-systemiannik aqunneqassasut. Inussuk IT IT-systemip ineriartortinneqarneranut akisussaasuulerpoq.

Kinguaattoornerit, piffissaliussat kinguaattoorneri aamma atuutilersitsinermi ajornartorsiutit

Inatsisit atuutilertussat ullua siullermeerluni 1. januaari 2023-miit kinguartinneqarpoq 1. juli 2023-mut, kisianni GetOrganized-moduli suli piareersimanngimmat, atuutilertussap ullua kinguardeqqinneqarpoq 1. januaari 2024-mut, tassani inatsisit atuutilerput, modulili suli atornerqarsinnaanngorani. Inatsisit atuutilernerisa kingorna, Inussuk systemip piareersimalernissaanut 19-riarluni kinguartitsinissamik nalunaaruteqarpoq. Kinguartitsinerit nalunaarutigineqartut nalinginnaasumik ulluni 14-inik qaammammilluunniit sivisussuseqassasut nalunaarutigineqartarput. Taamaattumik kommunip sulisuisa aqutsisuisalu naatsorsuutigisarpaat utaqqineq qaangiuppat ingerlariaqqissinnaalertoqarumaartoq. Nalunaarutit uuttuutai ilanngussami 1-mi takuneqarsinnaapput.

Aningaasanik tunniussinermi ajornartorsiutit

Innuttaasunik pilersuisinnaanermik qulakkeerinninniarluni, Kommuneqarfik Sermersooq suli pisortat ikiorsiissutaannik suliffissarsiortunullu ikiorsiissutinik ukiuni siuliini malittarisassat naapertorlugit tunniussisarallarsimavoq. Tamanna patsiseqarpoq, nutaanik inatsisiliornermut naleqquttunik aningaasalersuinissamik aqutsissutinik pisariaqartitanik suli atuutsitsilertoqannginneranik. Tamatumani tunngaviuvoq akissarsialeriffiup artit ikiorsiissutinik tunniussinissamini atungassai suli naammassineqarsimanngimmata, aatsaallu juli 2024-p naanerani naammassineqarlutik. Tamatuma kinguneraa innuttaasut ilaasa aningaasat tunniunneqartussat pisinnaatitaaffigisaminnit ikinnerusut pisarsimammattigik. Akerlianik innuttaasut ilaasa akiligassaat akilerneqarsimapput, tamatuminnaga pisinnaatitaaffeqanngikkaluarlutik.

Suliffissarsiortunut ikiorsiissutinik nutaanik malittarisassat naapertorlugit aningaasanik tunniussineq siulleq 19. juli 2024 pivoq, inatsisit nutaat atuutilereernerisa qaammatini arfineq-pingasut ingerlareerneranni. Aningaasanik tunniussineq nammineq allattuilluni nalunaarusiornikkut pivoq, tamatumani ataatsimut pisortat IT-systemiat suli naammassineqarsimannginnera pissutaavoq. Nammineq allattuilluni aningaasanik tunniussuinerit piffissamik atuiffiusarput, kukkusoqarsinnaanerannullu aarlerinaateqarnerulersarluni, taamaalillunilu nakkutilliinermik kingornalu aaqqiissusiornissanik pilersitsisarlutik, tamakkualu innuttaasunut kingunerluuteqartitsisinnaasarput.

Innuttaasut sulisullu piareersarnissaannut ajornartorsiutit

Kommunip sulisui pikkorissartinneqarput siullermik atuutilersitsinissamut naatsorsuutigineqartumut ullormut (1. januar 2023). Taamaattumik maanna sulisut systemimut atungassaminut pikkorissartinneqarnerannit ukiut marluk sinnerlugit qaangiupput. Taamani aamma IT-systemimik atuligassaminik ilinniartussaaniuppup suli piareersimanngitsumik. Isumaginninnermut, Ilaqtariinnut, Suliffeqarnermut Nunamullu Namminerit Naalakkersuisoqarfik Kommuneqarfik Sermersuumut ilinniartitaanernik eqqaasitseqqiffiusunik, aammalu 2022-p kingorna atorfinitsitaasimasunut pikkorissartitsinissamik neqeroorutigineqarnissaminut itigartitsivoq. Ataatsimiinnerit online-mi netværksmøderit neqeroorutigineqarput, kisianni naleqassusaat killeqarpoq systemit kinguaattoornerisa nassatarisaanik.

Piffissaliussap kinguaattoornera innuttaasunut aamma nalornisoortitsisarsimavoq, tamanna pivoq kommunip sulisuisa 2023-miilli pisartakkat, pisinnaatitaaffillu allanngortussaaneri aammalu pisussaaffinnik sukaterisoqarnera pillugit paasisutissiineq ingerlassimammassuk. Tamama kingorna innuttaasut allannguisoqarneranik malulgisaaqarsimanngillat. Kommunip sulisui sullitanut paasisutissiinnaasimappup, tulliani Inatsisit nutaat naapertorlugit pisartakkanik tunniussisoqarsinnaanera naatsorsuutigineqassasoq, tamanna Inussuk IT-meersunit nalunaarutigineqartarmat.

Kommunit tusarniaavigineqannginnerat

Namminersorlutik Oqartussat GetOrganized atorlugu Inatsisit nutaat atuutsinneqarnissaasa atuutsitsilinnnginneranni kommuninut tusarniaangillat. GetOrganized tassaavoq elektroniskiusumik suliaqarnermut aamma allagaatinik aqutsinermut systemi (ESDH-system), Kommuneqarfik Sermersuup 2020-miilli atugarisaa. Kommuneqarfik Sermersooq siornatigut GetOrganized atorlugu ikiorsiissutinik tunniussisarnikuunngilaq. Ikiorsiissutinik tunniussisarnierit suliassaqarfimmi fagmodulit atorlugit ingerlanneqartarput, taakkualu pisortatigoortumik aningaasaqarnermut systemimut attuumassuteqarlutik. Kommuneqarfik Sermersooq pisup ingerlanerit nalillertuarsimavaa, pisartakkanik tunniussisarnermut atuuttumik IT-mi sakkumik pigineqareersumik atuigaanni pitsaanerpaassasoq, taannalu aningaasaqarnermut aqutsissummi AX Prisme-mikkut ingerlanneqarluarsinnaareersuuvoq aammalu pitsaanerussasoq allagagaatinik suliaqartarnermi atortoq ESDH pisartakkanik tunniussisarnermi sakkutut piorsarneqarneraninngaanniit.

August 2024-ip naanerani killiffik

Inatsisit malillugit sullissineq nutaamik systemimi ingerlanneqarpoq, kisianni aningaasaqarnermut tunngasortaa suli piareersimanngilaq. Inussuk IT-mit kingullermik nalunaarutigineqarpoq Kommuneqarfik Sermersooq suli septembari 2024-ip naanissaata tungaanut aningaasanik tunniussineq nammineq allattuilluni nalunaarsuinikkut ingerlatiinnarallassagaa. Tamanna isumaqarpoq Kommuneqarfik Sermersooq inatsisit atuutilernerisa qaammataasa qulingiluuaanni suli piareersimasumik systemeqanngitsoq, kisianni suli aamma isumalluarfigalugu systemi qanittukkut piareersimalerumaartoq.

Allaffissornikkut ajornakusoortitsinerup annikillisinneqarnissaa anguniarlugu, Kommuneqarfik Sermersooq juli 2024-miilli pisortat ikiorsiissutaannik kisitsinerit tunniussinerillu, allamik suliffeqarfimmit IT-systemimik pilersitamik ajunngivissumilli suliaqarfiusumik ingerlatsilersimvoq.

Systemi taanna massakkumut sakkutut pilersinneqareersimasut atorineqartullu assigalugit pilersitaavoq. Systemi atorallarneqartoq ilanngullugu atortoqarpoq inunnik nalunaarsuisarnermi aamma Akileraartarnermut Aqutsisoqarfimmiit paasissutissanik pissarsiniartarnermut, kiisalu akissarsialeriffimmut toqqaannartumik tunniunneqartussanik naluaaruteqartarluni. Taamaattumik Kommuneqarfik Sermersooq naliliivoq, suliffissarsiortunut ikiorsiissutinik aqutsinermut assingusumik systemiliornikkut tunniussisarnissaq pisariillisarneqarsinnaasoq.

Majoriami Oqartussaaitaanermik Immikkoortortamilu sulisut massakkumut suli allaffissornikkut ingerlatsinermi marloqiusamik pisortani ataatsimoorullugu systemiliaasunik atuinerit ingerlappaat, aamma ikiorsiissutinik tunniussinermi aningaasanik tunniussineq nammineq allattuilluni nalunaarsuinikkut aammalu sakkutut utaqqiisaasumik atugallakkakkut ingerlatiutigalugu. Nukiit annertuut atorineqartut innuttaasunnet qanitsumik sullissinnermut atorluarneqarujussuusinnaangaluarput. Isumaginninnermut Suliffeqarnermullu Ingerlatsivik naliliivoq, sulisut 2023-mi ukiaaneraniit sulinnermini kajumissusaat annertuumik eqqornerlunneqarsimasooq systemissaq kinguartinneqaqattaartoq nukinnik atuiluffiinnaqattaarmat. Kommunip sulisui innuttaasunut sullissinissamik pitaasumik suliaqarnissamik kissaateqarput, taannalu uuma atuutilersitsiniarnerup maannamut akornusersimalerpa.

Kommunit ingerlariaqqinnissamat ernumassuteqarput

Kommuneqarfik Sermersuup allaffeqarfia Isumaginninnermut, Ilaqutareerqarnermut, Suliffeqarnermut Nunamullu Namminermut Naalakkersuisoqarfimmut ernumassutinik allagaqarsimavoq (ilanngussaq 2), taamatuttaaq nuna tamakkerlugu borgmesterit ajornartorsiut pillugu Isumaginninnermut, Ilaqutareerqarnermut, Suliffeqarnermut Nunamullu Namminermut Naalakkersuisumut ernumassuteqarlutik allagaqarsimapput (ilanngussaq 3).

Ingerlatsivimmit aningaasatigut sulisoqarnikkullu naliliinerit

Ikiorsiissutinik kingorna naleqqussuineq

Majoriami aalajangersimasumik suliffissarsiortut tamarmik, sapaatip-akunneranut nalunaaquttap-akunnerinik 20-t sinnerlugit sulisinnaasutut nalilerneqartut, 1.1.2024 aallarnerfigalugu suliffissarsiortunut ikiorsiissutinik pisartagaqartussaagaluarput. Taamaattoq qulaani allaaserineqartut naapertorlugit tamanna pisinnaasimangilaq. Akerlianik innuttaasut suliffeqanngikkarlarnermi ikiorsiissutit inatsisaat imaluunniit siusinnerusukkut pisortat ikiorsiissutaat pillugit inatsisit pisoqqat naapertorlugit pisartagaqartinneqarsimapput.

Suliffeqarnermut Isumaginninnermullu Ingerlatsivik taamaattumik suliffissarsiortunut ikiorsiissutinut aamma pisortat ikiorsiissutaannut inatsisit naapertorlugit tunniunneqarsimasunik misissuissaaaq aaqqiissuteqassallunilu. Innuttaasut ikiorsiissutinik pisassarisamaraluminni inatsit malillugu pisinnaatitaaffigisaannik ikinnerulaartumik pissarsisimappata, taakku aaqqiivigineqassapput.

Suliffeqarnermut Isumaginninnermullu Ingerlatsivik naliliivoq, suliniutip systemimik tapersorneqarnissaa amigaataaginnassappat, tamanna sulisut suliniutissaraluinut allanut, soorlu suliffissarsiortunut innersuussinissanut, aqutissiuussinissanut kiisalu suliffeqartuunermet utertitsiniaalluni piginnaangorsaaqqiinissanik suliaqarnissanut nukissaalatsissasoq. Tamanna pisariaqanngitsumik aarlerinartorsiortitsissaaq, suliffissarsiortut suliffeqarnermut attaveqarnerat annaaneqassamat, tamatumalu kingunerisaanik sivisuumik suliffissaaleqisunngornermik kinguneqarsinnaalluni.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Inatsisit nr. 15-ip 20. november 2006-meersup pisortat ikiorsiissutaannut tunngasoq
- Pisortanit ikiorsiissutit pillugit Inatsisartut inatsisaat nr. 6, 20. juni 2022-meersoq



- Pisortanit ikiorsiissutit pillugit Inatsisartut inatsisaannik atuutilersitsinissaq pillugu Namminersorlutik Oqartussat nalunaarutaat nr. 79 14. december 2023-imeersoq.
- Suliffissarsiortunut ikiorsiissutit pillugit Inatsisartut Inatsisaat nr. 7, 20. juni 2022-meersoq
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq.

Ilanngussaq

1. Takussutissaq
2. Inatsisit nutaat atuutilersinneqarneranut tunngatillugu ernumassutinik allagaqaat
3. Nuna tamakkerlugu borgmesterit Naalakkersuisoq Jess Svane-mut ernumassutit pillugit allagaat, 26.01.24

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:00.